



REPUBLIKA E SHQIPËRISË
BASHKIA GRAMSH
DREJTORIA JURIDIKE, BURIMEVE NJERËZORE

Gramsh, më 14.07.2026

Niveli minimal i arsimit: "arsim i mesëm"

**SHPALLJE PËR PRANIMIN NË NIVELIN BAZË TË SHËRBIMIT VENDOR TË MZSH-së, BASHKIA GRAMSH
(ZJARRFIKËS)**

Në bazë të Ligjit nr.152/2015 "Për shërbimin e mbrojtjes nga zjarri dhe shpëtimin" neni 14; VKM nr. 350, datë 19.4.2017 "Për trajtimin me pagë dhe shtesa mbi pagë të punonjësve të shërbimit të mbrojtjes nga zjarri dhe shpëtimin"; VKM nr.520, datë 25.07.2019 "Për miratimin e rregullores për shërbimin e mbrojtjes nga zjarri dhe shpëtimin" Kreu III, neni 36-neni 54; Urdhërit nr.290, datë 10.07.2026, "Për shpallje vendi të lirë pune në Sektorin e Shërbimit të MZSH-së, Bashkia Gramsh" të kryetarit, Njësia e Burimeve Njerëzore, shpall procedurën e pranimit në nivelin bazë të shërbimit vendor të MZSH-së për pozicionin:

- 1(një) zjarrfikës;

Afati për dorëzimin e dokumentave për

**PRANIM NË NIVELIN
BAZË:**

28.07.2026

Përshkrimi përgjithësues i punës për pozicionet si më sipër është:

- 1. PUNONJËS ZJARRFIKËS**, (luftues, shpëtues, furnizues, evakues) është personi i trajnuar profesionalisht për të ndërhyrë në shuarjen e zjarreve dhe shpëtimin e jetës së njeriut, të gjësë së gjallë dhe të pronës. Është në varësi të komandantit të shërbimit dhe mban përgjegjësi: - për marrjen dhe dorëzimin e shërbimit, - njohjen mirë të detyrës së tij funksionale, - marrjen e sinjalit të alarmit dhe veprimin me shpejtësi dhe saktësi, - pozicionimin në formacion luftimi, zbatimin e detyrave dhe të urdhërave të drejtuesit të operacionit, - bashkëpunimin dhe bashkërendimin e punës me kolegët, si dhe me forcat e tjera operacionale, - dhënien prioritet ruajtës dhe shpëtimit të jetës së njerëzve, - nisjen dhe lëvizjen për në vendngjarje sipas urdhërit të komandantit të shërbimit, - pozicionimin në vendngjarje, - rezervën hidrike të vazhdueshme dhe me presionin e duhur, - marrjen pjese në operacionet e shpëtimit, - përgatitjen e automjetit

zjarrfikës apo autoshtakallë për kthim në stacion, - zbatimin e rregullave dhe sinjalistikës së qarkullimit rrugor, - larjen dhe pastrimin e automjeteve për të qënë në gatishmëri, duke bërë furnizimin me ujë, naftë, vaj...etj,

1 PRANIMI NË NIVELIN BAZË

Kanë të drejtë të aplikojnë për këtë procedure të gjithë kandidatët që nuk janë pjesë e shërbimit të MZSH-së, të cilët përmbushin kriteret e përgjithshme dhe aftësive fizike.

1.1 KRITERET E PËRGJITHSHME

Kandidatët duhet të plotësojnë kushtet për pranim në nivelin bazë si vijon:

1. të jetë shtetas shqiptar;
2. të ketë zotësi të plotë për të vepruar;
3. të jetë në gjendje të mirë shëndetësore dhe i/e aftë fizikisht për të kryer detyra me rrezik të shtuar;
4. të mos jetë i përjashtuar nga shërbimi zjarrfikës, policia e shtetit, apo nga institucione të tjera të administratës publike;
5. të ketë mbaruar arsimin e mesëm;
6. të mos jetë i/e dënuar me vendim të formës së prerë për kryerjen e një vepre penale me dashje;
7. të mos ketë rekorde kriminale në organet e policisë dhe prokurorisë;
8. të jetë i/e moshës nën 30 (tridhjetë) vjeç;
9. për gjininë mashkullore, personi duhet të jetë me gjatësi jo më pak se 175 (njëqind e shtatëdhjetë e pesë) cm, ndërsa për gjininë femërore personi duhet të jetë me gjatësi jo më pak se 165 (njëqind e gjashtëdhjetë e pesë) cm;
10. të jetë me peshë trupore që ti përgjigjet raportit të gjatësisë;
11. kanë prioritet kandidatët të cilët kanë përfunduar testimin fiziko-profesional dhe kursin përkatës pranë akademisë së sigurisë ose në qendrat e trajnimit zjarri dhe kanë vendbanim sa më pranë stationit të MZSH-së, Bashkia Gramsh;

1.2 DOKUMENTACIONI, MËNYRA DHE AFATI I DORËZIMIT

Kandidatët që aplikojnë duhet të dorëzojnë dokumentat si më poshtë:

1. formular aplikimi (mund të shkarkohet elektronikisht, ose mund ta tërhiqni pranë zyrës së burimeve njerëzore, Bashkia Gramsh);
2. fotokopje e kartës së identitetit;
3. dokument zyrtar që vërteton përfundimin e arsimit të mesëm;
4. certifikatë e gjëndjes gjyqësore (e-albania);
5. certifikatë familjare (e-albania);
6. vërtetim nga gjykata;
7. vërtetim nga prokuroria;
8. raport mjeko-ligjor (mjeku i familjes);
9. fotokopje e librezës së punës (nëse ka);
10. dokument i lëshuar nga institucionet shëndetësore që vërteton që nuk është përdorues i lëndëve narkotike;

11. Çdo dokumentacion tjetër që vërteton trajnimet, kualifikimet, arsimin shtesë, vlerësimet pozitive apo të tjera të përmendura në jetëshkrimin tuaj (nëse ka);
12. fotografi për dokument zyrtar 2 (dy) copë;

Dokumentat duhet të dorëzohen me postë apo drejtpërsëdrejti pranë Zyrës së Protokoll-Arkivit në Bashkinë Gramsh, brenda dates 28.07.2026

1.3 REZULTATET PËR FAZËN E VERIFIKIMIT PARAPRAK

Në datën **06.08.2026**, Njësia e Menaxhimit të Burimeve Nerëzore të institucionit ku ndodhet pozicioni për të cilin ju dëshironi të aplikoni do të shpallë në stendën e njoftimeve në ambientet e jashtme të bashkisë dhe në faqen zyrtare të internetit të institucionit www.bashkiagramsh.gov.al, **listën e kandidatëve që plotësojnë kriteret e përgjithshme të përcaktuara në ligj dhe në rregullore, si dhe datën vendin dhe orën e saktë ku do të zhvillohet testimi me shkrim.** Në të njëjtën datë kandidatët që nuk i plotësojnë kriteret e përgjithshme të përcaktuara në ligj dhe në rregullore, do të njoftohen individualisht nga njësia e menaxhimit të burimeve njerëzore të institucionit ku ndodhet pozicioni për të cilin ju dëshironi të aplikoni, për shkaqet e moskualifikimit *(nëpërmjet adresës së e-mail).*

Kandidatët e skualifikuar kanë të drejtë të ankohen në Njësinë Përgjegjëse të Burimeve Njerëzore pranë i bashkisë brenda 5(pesë) ditëve, duke filluar nga data 06.08.2026.

1.5 FAZAT E KONKURIMIT

Kandidatët e kualifikuar për të vazhduar procesin e pranimit në shërbimin e MZSH-së do u nënshtrohen fazave të konkurimit si më poshtë:

- a) testimi me shkrim;
- b) testimi i aftësive fizike;
- c) intervistë me gojë dhe testim psikologjik
- d) verifikim përfundimtar i aplikantit;

a.) FUSHAT E NJOHURIVE, AFTËSITË DHE CILËSITË MBI TË CILAT DO TË ZHVILLOHET TESTIMI ME SHKRIM

Kandidatët do të vlerësohen në lidhje me:

- Njohuritë për Kushtetutën e Republikës së Shqipërisë;

- Ligjin nr.139/2015, date 17.12.2015 “Per vetëqeverisjen vendore”;
- Ligjin nr.152/2015 “Për shërbimin e mbrojtjes nga zjarri dhe shpëtimin”;
- Rregulloren nr.520, datë 25.07.2019 "Për miratimin e rregullores për shërbimin e mbrojtjes nga zjarri dhe shpëtimin”;

Lista e kandidatëve të kualifikuar për fazën e testimit fizik, që kanë marrë mbi 70(shtatëdhjetë) pikë në testimin me shkrim, do të publikohet më datë 17.08.2026 në ambientet e jashtme të bashkisë dhe në faqen zyrtare të internetit të institucionit www.bashkiagramsh.gov.al

Në të njëjtën ditë do të publikohet edhe data, vendi dhe ora e saktë ku do të zhvillohet testimi fizik, intervista me gojë dhe testimi psikologjik.

Kandidatët që nuk janë kualifikuar për fazën e testimit fizik, do të njoftohen individualisht nga njësia e menaxhimit të burimeve njerëzore të institucionit, për shkaqet e moskualifikimit (nëpërmjet adresës së e-mail), kanë të drejtë të riaplikojnë për t'u pranuar në shërbimin e MZSH-së, me shpalljen e radhës së vendeve të lira.

b.)

AFTËSITË DHE CILËSITË MBI TË CILAT DO TË ZHVILLOHET TESTIMI FIZIK

Kandidatët do të vlerësohen në lidhje me:

- I. peshën dhe gjatësinë trupore;
- II. përgatitjen fizike (testin e vrapit dhe testin e përgjithshëm të muskujve);

shënim: *kandidati duhet të paraqitet në ditën e testimit me uniformë të rregullt sportive*

c.)

AFTËSITË DHE CILËSITË MBI TË CILAT DO TË ZHVILLOHET INTERVISTA ME GOJË DHE TESTIMI PSIKOLOGJIK

Kandidatët do të vlerësohen në lidhje me:

- I. aftësitë për të menduar, analizuar, komunikuar dhe për të marrë vendime;
- II. aftësitë për të reaguar në mënyrën e duhur në kushtet e një stresi minimal;
- III. përshtatshmërinë për t'u bërë punonjës i shërbimit të MZSH-së;

Lista e kandidatëve të kualifikuar që kanë marrë mbi 50 (pesëdhjetë) pikë në intervistën me gojë dhe testimin psikologjik, do të publikohet më datë 20.08.2026 në ambientet e jashtme të bashkisë dhe në faqen zyrtare të internetit të institucionit www.bashkiagramsh.gov.al.

d.) VERIFIKIMI DHE VLERËSIMI PËRFUNDIMTAR I KANDIDATËVE

Rezultati përfundimtar i kandidatëve do të përcaktohet si shumatore e rezultateve si më poshtë:

- a) testimi me shkrim, intervista me gojë dhe testimi psikologjik përbëjnë në total 50% të rezultatit të përgjithshëm;
- b) testimi fizik përbën në total 50% të rezultatit të përgjithshëm;

Lista përfundimtare e kandidatëve sipas pikëve të grumbulluara në rend zbritës, do të publikohet më datë 20.08.2026 në ambientet e jashtme të bashkisë dhe në faqen zyrtare të internetit të institucionit www.bashkiagramsh.gov.al.

Afati për ankim është 5(pesë) ditë duke filluar nga data 20.08.2026, pranë drejtorisë së burimeve njerëzore të institucionit.